



商務印書館印行

淞濱瑣話自序

天下之事紛紜萬變而總不外乎生老病死悲歡離合人生墮地即哭蓋知所入非快活世界而有生亦非樂趣也人生於世不過數十寒暑耳有生則必有死此數十寒暑中自孩提無知以迄乎龍鍾待盡其間或疾苦或顛連或憂愁備人世諸苦惱而一身受之此卽山佛經所謂恐怖遠離顛倒夢想諸境而出夫人一心在無罣礙故富貴而憂戚不如貧賤而快意肆志焉今使問於人曰處逆境而安與處順境而心勞二者孰勝則必以心不困於境者爲優然人能知之而不能行之則已入於苦海中也世間富貴榮華貧賤屈辱皆境也境也者不過暫焉而已優游軒適舒暢怡悅所以養乎心者也心能入乎境之中而超乎境之外且能憑虛造爲奇境幻遇以自娛其心人於世間有父母妻子兄弟友朋而憂喜哀樂會合別離以是而生焉備歷乎諸境膠擾於一心宜乎髮之元者白齒之堅者危魂魄一去同於草亡木卒顧此言乎處順境而未及乎逆境也其有極人倫之變而涉夫人世之險巖其境爲至難其心爲獨苦然則人自有生以來浮湛閻浮提中一

苦惱衆生耳故曰我之所患在乎有身身自有生得來而爲諸苦叢射之鵠人自樂有生我自求無生有生在世其亦費旆而已余今年六十矣雖齒髮未衰而軀壳已壞那寒盛暑不復可耐偶爾勞頓體中便覺不快略致思索輒通夕不能成寐見客問姓名轉顧卽忘把卷靜坐卽爾昏然欲睡思有所作握管三四行後意卽不相綴屬以此而猶欲著書立說其可得哉倦游歸來却掃數門謝絕人事應酬簡寂生平於品竹彈絲棋枰曲譜一無所好日長多暇所以把玩昕夕消遣歲月者不過驅使烟墨供我詠諧而已以此淞濱瑣話又復積如束筴哀然成集也淞隱漫錄所紀涉於人事爲多似於靈狐黠鬼花妖木魅以逮鳥獸蟲魚篇牘寥寥未能徧及今將於諸蟲豸中別開一世界構爲奇境幻遇俾傳於世非筆足以達之實從吾一心之所生自來說鬼之東坡談狐之南董搜神之令升述仙之曼倩非必有是地有是事悉幻焉而已矣幻由心造則人心爲最奇也余於生老疾病悲歡離合已徧嘗其境所不可知者死耳向居香海入秋咳作氣上逆不能著枕終宵危坐達旦日在藥火爐邊作生活去死幾希長夜輾轉一燈爇碧幾於與鬼爲鄰然昏厥昏眩中此心漠然尙覺

可用追思前後所歷顯顯在目感恩未報有怨胥泯痛知
己之云亡念知音之未寡則又慨然以興涕泗滂集故茲
之所作亦聊寄我興焉而已非真有命意之所在也豈敢
謂異類有情幽途可樂烏獸同羣鹿豕與游而竟掉首人
世而不顧也夫荒唐之詞發端於漆園怪誕之說濫觴乎
洞冥虞初九百早以是鳴降及後世抑復工已余向作遜
窟譚言見者謬加許可江西書賈至易名翻板藉以射利
淞隱漫錄重刻行世至再至三或題曰後聊齋圖說售者
頗衆前後三書凡數十卷使蒲君留仙見之必欣然把臂
入林曰子突過我矣聊齋之後有替人哉雖然余之筆墨
何足及留仙萬一卽作病餘呻吟之語將死游戲之言觀
可也光緒丁亥中元後三日天南遯叟王韜序於滬北淞
隱廬

淞濱瑣話目次

卷之一

徐麟士

藥娘

李延庚

田荔裳

畫船紀艷

倪幼蓉

卷之二

魏月波

白瓊仙

盧雙月

金玉蟾

煨芋夢

卷之三

劉淑芬

柳青

仙井

卷之四

嚴毒珠
眞吾鍊師

邱小娟

辛四娘

沈蘭芬

皇甫更生

徐希淑

反黃梁

卷之五

龔蔣兩君軼事

樂國紀遊

梅無瑕

袁野賓

劉大復

紀四大和尚

卷之六

劍氣珠光傳

花妖

簫仙

畫妖

孫伯篋

水仙子

卷之七

談豔上

談豔中

談豔下

粉城公主

鄒生

記滬上在籍脫籍諸校書

卷之八

顧慧仙

楊進史

羅浮幻跡

梅鶴緣

柳夫人

卷之九

紅豔寇軒薄倖詩上

紅豔寇軒薄倖詩中

紅豔寇軒薄倖詩下

朱素芳

東瀛豔譜上

東瀛豔譜下

卷之十

徐太史

玉杏

因循島

夢中夢

卷之十一

燕臺評春錄上

燕臺評春錄下

珠江花舫記

記雙烈

瑤池仙夢記上

瑤池仙夢記下

卷之十二

瑤池小詠上

瑤臺小詠中

瑤臺小詠下

滬上詞場竹枝詞

蕊玉

李貞始下垠自遲始末記

陳仲蓮

淞濱瑣話卷一

長洲 王韜 仲弢甫著

徐麟士

徐麟士崇明人。少負奇氣。雖生長海濱。而識見廣遠。且膂力絕人。能挾數百斤物。超躍重垣。人以爲崑崙奴之流亞也。生平嫉惡如仇。里中無賴有作盜竊者。悉擒治之。不少寬。以是諸無賴銜之。刺骨思有以中之。未得間也。一日偶經古塚。土崩露石匣。掘而啟之。中有一劍。少加拂拭。光芒注射。知非凡物。寶之不輒示人。夜夢偉丈夫來曰。余卽塚中人也。子得寶劍。而不知劍術。亦何所用。我請授子。生再拜。願受教。夢中盡得其所授。及醒試之。一一不忘。以此益自負。時長橋下有巨龍。恆出爲人患。縣官募有能捕之者。予重賞。里人交謂之曰。君能之乎。此龍能激水三千丈。吞吐雲霧。騰沓波濤。君恐非其敵也。生忿然作色曰。此蠢然一物耳。何足污吾力。既欲爲公等除害。奚憚一行。卽時仗劍。浪湧若山。潮翻如雪。奔騰澎湃之聲。震聞數里。二時許。乃漸平息。羣見生劍懸龍首。踏波而出。左近岸。視之龍。蓋以革帶貫其甲。相故也。羣

衆爭曳之登岸。大幾畝許。樹之飽數百人。江水盡赤。里有長老曰。子前身殆周處也。何不致力於學。博通今古。以備他日國家用。生喜。乃折節讀書。不復問戶外事。無賴之圖報者。其念亦寢。生感某軍門。方駐關外。勦游匪。素悉生勇。馳書招之。生慨然起曰。大丈夫建功立業。正在斯時。銘鐘鼎而書旂常。夫豈異人任哉。攜劍囊書。束裝就道。自芝罘達旅順。以待修船。小憩逆旅。一夕飲酒薄醉。隱几假寐。忽有戎裝繫刀入白者。向生半跪而請曰。寡君命敬迎君子。乘輿已待於外。生倉猝間。莫辨爲誰。隨之俱行。既登車。電邁馳。其去若駛。旋至岸盡處。遙望浩淼汪洋。極目無際。殆海也。車徑由海中行。水分兩旁若壁立。頃抵一所。車止宮殿宮。殆如王者居。門外甲士百許人。排班鵠立。狀甚敬肅。卽有峨冠博帶者數人。自內出。拱手迎生。揖生入內。歷門數重。始覩前殿。殿上懸燈千百盞。光明勝白晝。殿中珠簾翠幕。隱約不可辨。惟香霧四沛。氤氳不散。數人卽於簾外稟白。聞言遠客既臨。當以禮見。樂作簾捲。則正中上坐者。乃一二十許歲女子。星冠霞帔。玉貌端妍。天人也。兩旁侍立者。悉豔妝麗姝。玉色珠光。互相輝映。殿上傳生入。見生不覺膝爲之屈。上坐者命人扶生起。賜坐於側。謂生

曰。觀君義高千古。勇冠三軍。固一世之英豪。當今之俊傑。今不遠千里而辱臨敝地。寡人涼德。何以堪此。此爲壽海土帝命寡人蒞治茲一方者有年矣。久慶安瀾。無虞駭浪。乃不謂近有應海雌龍。與龍龍作偶。恃其駭尾。來肆憑陵。雌龍之故夫。卽前在崇海煽虐。爲君手翦之於長橋下者也。今將藉君威靈。與師問罪。幸助寡人。君其勿辭。生聞命意氣慷慨。曰。敢不擐甲執兵。爲諸軍士先。以驅除此妖魅。冀王國家。當使彼遠族。永作波臣。庶幾無忝王命。於是登壇視師。簡壯士千五百人爲前驅。千五百人爲後勁。精選甲士二千人爲中權。親自率之。傳檄至其國中。刻期決戰。兩軍既遇。前驅猛厲無前。一戰而勝。輕進遇伏。遂自敗績。中權適至。生分二千人爲左右兩翼夾擊之。敵之前軍退。龍龍各統一軍繼進。與生相接。生見龍龍虎頭燕頤。虬髯鶴眼。固昂藏一男子也。雌龍亦一好女子。雖不逮潯海女君之美。然霧鬢風鬟。丰姿綽約。殆如神仙中人。生飛劍欲斬龍龍。龍龍知不敵。急遁去。雌龍吐水以淹生。生以劍揮之。水反倒注。蓋生劍首有辟水珠也。雌龍乃驚而奔。師潰。生率衆軍追之。直搗其巢。龍龍爲追軍所圍。不得脫。生至斬之。士氣大振。雌龍據其國之積石山以求和。且請願與

生結伉儷。是山險阻難攻。珍寶山積。固董卓郿塢之類也。生曰。忘夫事仇。抑何淫而無恥哉。是真披鱗帶甲之儔。殺之何足惜。揮軍環攻。歷三晝夜始破。遷其賄盈百車。覓雌龍弗得。繼知其縊于荒谷。乃具棺葬之。撤師凱旋。還報於女君曰。幸不辱命。女君郊迎三十里。待以上賓之禮。賜以黃金萬鎰。白璧十雙。明珠百琲。錦繡文綺皆千端。他物稱是。特張盛筵。餞之於別殿。妙選女樂百人。各就班行。彼歌此舞。更迭迭進。具有五花八門之觀。又使演錢塘破陣樂。聲音雄壯激烈。聽之殊令人興勒銘燕然之思。譙畢。仍命前戎裝人駕車送之歸。及門而覺。則几上一燈熒然。萬籟皆寂。寓童僮伏几下。猶未睡也。生追思所夢。歷歷在目。嘆曰。此何異邯鄲道上。一枕黃粱哉。世上功名富貴。一切皆作如是觀。遂作書辭其戚。不復爲關外之行。方擬返旆。忽有貴客款關至。邀往觀海市。生以初不相識。辭不赴。客曰。此百年一次。爲商家盛典。亦海國之大觀。今歲以荷蘭王子適來。闢奇炫富。於多競勝者。必倍於往日。君如有財。天下之異物。不難致也。再三固請。生乃許之。貴客早備舟以待。雙輪激水。其捷若飛。既至市肆。環集珊瑚珠貝火齊木難之屬。大半不能辨識其名。酒樓茗寮多設於臨街。生見

一常壇女子。容華娟秀。似曾相識。徑入投錢曰。聊乞一盞。藉以解渴。女子睨視生而笑曰。君頗憶別殿歌姬否。何別未數日。已淡漠無情也。生始恍然自失曰。卿那得來。女曰。隨女君俱至此間耳。相距百餘舍。有萃珍園。室極宏敞。卽女君之所設也。君盍往乎。當有所得。女君固望君久矣。彼貴客者。乃女君之所使也。特爲先路之導耳。言次。貴客至。偕生聯騎而往。奇珍瓊異。爲生平目所未覩。別一室盡儲前日賜物。貴客謂生曰。此皆君之所有也。今日若當載以俱歸。生請一見女君。面爲伸謝。貴客曰。人神道殊。幽顯路異。事已洩露。似不宜再瀆也。當壇女子以與君有夙緣。故女君特以賜君。用侍巾櫛。備箕帚。此女有宜男相。他日必生元宗子。以延嗣續。君雖抱負異材。然非功名中人。歸後不必作出山想矣。今日擁鑑寶對佳麗。載西施一舸以東。飽福亦不淺哉。遂送生登舟。而女子已先在舟中。一帆風順。直達崇明。逮曉。生推蓬窗而望之。則舟已繫於己之門外石椿上。生乃偕女入室。而呼賊獲。輩出。運物竟日。猶不能盡。一夜與女同夢。正酣。忽視偉丈夫昂然排闥而進。曰。曩日寶劍可賜還也。助君名成利就。亦思所以酬師哉。生方欲起謝。遽拍其肩曰。勿忘。遽然覺醒。起視匣中。劍已杳。

矣。翌日。往尋古塚。爲之闢地築牆。樹碑碣。種松楸。建屋十餘椽。置守塚者司祭掃。更購田百畝。以奉春秋祀事焉。

藥娘

鄭篠史。汴人。僦屋維揚爲寓公。其居近小金山後。購冶春園遺址。葺而新之。樓臺亭榭。頗有可觀。又復疊石爲山。引泉作池。池流曲折。駕以飛橋。東西迴廊周繞。隨地勢高下爲參差。最奇者爲芍藥園。園前有門。扁曰。塵飛不到。字勢飛舞。有逸趣。呂仙降乩筆也。一入門內。便見高峯插天。循徑而上。路殊紆徐。既登絕頂。有亭翼然。倚欄縱眺。全園盡在目中。既達平地。則彌望皆芍藥也。雕欄石磴。環護倍至。中間所植爲金帶圍。尤稱名種。相距數十武。有樓五楹。極軒爽。樓上藏書數萬卷。綉帙縹緗。什襲珍庋。多人間未見。本樓左偏。葡萄作架。蔕蔕爲鶯。槐榆千章。芭蕉百本。覓路而入。綠蔭森沈。精廬三楹。爲閒時憩息所。盛夏居之。幾忘炎燠。生雖坐擁厚貲。而不喜居積。會計之事。悉委于人。讀書之暇。惟知薜花玩石。此外別無所好。納二妾。一曰綠媚。一曰素修。皆虹橋小家女子。頗識字。生另購二室以處之。月榭雲窗。備極幽麗。室外雜植花卉。二室遙隔半里許。通以閣道。如亘長虹於半空。二女有時靚妝炫服。憑朱欄而

延佇。見者疑爲閨苑神仙。縹緲天外。生分宿二女處。月不過數日。偶有餘閒。卽課二女以唐宋人詩詞。二女志甚相得。序齒以姊妹稱。綠媚年十七。素修年十六。花貌玉肌。堪稱雙絕。素修於書史尤慧警。一夕素修方臨窗握管書字。忽見窗外人影憧憧。疑爲綠媚潛蹤而至。因隔窗呼曰。綠姊何不卽入。乃作門外漢。須知闕觀非正道也。旋聞有彈指聲曰。旣欲我入。何又閉門拒客耶。其音清銳。絕不類綠媚。姑啓雙扉。女已掩入燈下。視之意態妍麗。丰韻娉婷。豔發於容。秀入于骨。世間無此絕色女子也。不覺錯愕卻步。女曰。姊幸勿驚。妹來伴寂寞耳。請觀與卿家綠姊孰勝。素修曰。小園與外間隔絕不通。姊何由至。曰。妹久居尊園。姊自不識耳。妹來欲出小詩奉教。幸勿瑣瑣固詰。以敗清興。袖中出詩本一束。擲素修前。素修視其籤題曰。紫霞軒吟草。下署竹西謝春芬藥孃著。於是始知女字藥孃。開卷七絕一首。句妙欲仙。心甚好之。竟忘其爲宵深地僻。從何處來也。亦出所作示之。相與娓娓談詩。燭灺見跋。呼婢淪茗。以解渴吻。佐以餅餌。曰。倉卒未知姊臨。不能作咄嗟主人。姊勿怪也。俄而村鷄唱曉。女乃別去。素修約以明夕來。女曰。明夕子有心上人至。恐無暇念妹矣。素修秉燭送之。出

戶。方致聲珍重。而女去已遠。翌晨紅日上簾。素猶未起。梳洗方罷。生適來。見几上詩草。詢何人作。答以鄰女。並不言其故。生見其詞語清新。爲易數字。并加評焉。夜果宿素修所。素修訝女若預知者。越一夕。微雨廉纖。挑燈獨坐。正思女不置。隱隱聞遠處有履齒聲。漸近。并聞笑語聲。知是女來。啓戶俟之。見女已立窗外。更偕一人至。並入室中。女無暇寒暄。卽坐几傍。捉足脫履易履。曰。今日憊甚。素修視同來之女子。長短適中。纖穠合度。雲鬢霧鬢。飄然若仙。與女固堪伯仲也。爰詢姓字。曰。姓徐。字玉孃。前居蜀岡。今處尊園。以勢分懸絕。故未敢驟攀清話耳。素修曰。旣忝姊妹行。猶過作謙語。是見外也。今而後請勿復爾。因詢玉孃曰。旣與藥姊同居。當必能詩。如攜佳作來。請以見示。共相欣賞。玉果出一冊於懷袖間。書其眉曰。蘭因賸稿。素讀其詩。情致纏綿。遠勝已作。更深悅服。由此二女與素往來甚密。有時二女令侍婢攜酒肴來。熱氣蒸騰。若新出于釜。異饌醇醪。莫能名狀。素修益奇之。思禮不可不答。特出己資。密囑廚孃爲備盛筵。今夕將以讌女客。且戒勿洩于人。適綠媚之雛鬟曰。蔬香者。以事至廚下。聞刀砧之聲。喧徹于外。雞豕魚蝦。堆案盈几。問今日豈主人生辰耶。抑別有喜慶事。

也有竈下婢與蔬香相稔者。附耳告之曰。今夕素娘譙客。豈綠娘未見請耶。不然。安有不知。蔬香忽忽回。面有喜色。曰。我娘今日食指動否。夕問素娘大開東閣。我娘當必預列。綠媚曰。此時已晚。尚未遣使來邀。中必有故。我當往探之。逮夕從複道持燈往。甫近。已聞笑言喧雜。七箸觥籌交錯之聲。從窗隙窺之。明燈朗耀。客座二女子。美麗異常。玉色雙輝。珠光四照。思戚串中並無是人。常必有異。敲扉竟入。笑曰。不速之客一人來。素修即起相迎曰。難得阿姊白。來二女亦殷勤行相見禮曰。素知綠娘美。今日見之。果然不覺自慙形穢。素修遽拍藥娘肩曰。我見猶憐。何況老奴。玉娘曰。我每見素姊。輒自嘆弗如。爲不樂者。竟日。於是四美合尊促坐。洗盞更酌。或折花枝。以當酒籌。或擊鼓傳花。或彼此搏戰。劍動花飛。藥娘量最豪。飲無算爵。更闌始散。綠媚問二女住何處。曰。距此不遠。山後卽是蓬廬耳。二女既去。綠媚備詢。未數日。其來也。突兀其去也。杳忽。其言所居也支離。此渺爾培塿。不過土戴石而成者耳。安有處舍在其間。如有之。何我出入不一見哉。以我揣之。必是靈物幻化。非鬼卽狐。素修惴然曰。狐鬼而能幻人形事。或有之。至狐鬼而能詩。妹未之聞也。卽出二女詩冊與之觀。綠

媚見藥娘詩卷有生筆跡。驚問曰。豈郎君亦與相見乎。素修曰。郎君但見其詩。未觀其人。妹亦不敢直告也。是夕綠媚卽與素修同宿。生詣綠媚所。入房寂然。蔬香告以赴。素修譙有女客在故也。生遂獨眠。達旦。循閣道而回。遙見二女子一衣紅一衣白。穿林中而出。由石徑登山。入林深處。忽不見。生因默識之。逾數日。綠媚素修俱集在書樓下。生偶述二女服色形狀。曰。與阿素作詩友者。是此二女歟。素曰。髣髴似之。生曰。測其蹤跡。殆非人歟。素修聞言殊不悅。約生俟其來。入與之言。疑可立決。夜間二女偕來。詞辯鋒起。須臾生入。二女欲避去。素固挽留之曰。何妨以通家禮見。昔謝道韞施青紗步障。與小郎解圍。此姊家故事。寧不能效之耶。二女遂出見生。元言與旨。持論縱橫。生不能屈。嘆曰。女相如。洵辯才無礙哉。藥娘曰。聞君家多藏書。何不令余入而縱觀。以擴眼界。生訂以明午。翌日二女果至。生導登書樓。玉軸牙籤。一一指示。二女歎爲大觀。藥娘曰。世徒知寶朱板書。視若拱壁。空使觸手若新。曷嘗細心自校。此真耳食目論之士也。雖多奚足貴哉。二女由是又與生爲談友。雖日間亦留不去。談論則並坐。飲食則同席。絕不避嫌。每值花晨月夕。輒置酒譙賞。生居中。而四女環侍焉。

飛舉傳觥。情殊相暱。然皆以禮自持。毫不可狎以私。生愈敬而愛之。曰。與二妹交。正如對名花。止可餐其秀色耳。一日二女至。容色慘沮。藥娘謂素曰。妹與姊緣盡矣。他日姊如相念。就妹沒處掘土三尺餘。有琥珀一方。卽妹精誠之所結。置之佛前。香花供奉。三十年後。可得往生淨土。姊幸勿忘。玉娘在旁。嗚咽弗能成聲。曰。姊死妹豈忍獨生。素方曲爲慰藉。忽窗外黑雲如墨。風雨大作。二女倏不見。頃之雹下中庭。紫芍藥蹂躪殆盡。逾月。樓西玉蘭一株。亦憔悴死。

李延庚

李延庚。字少白。西蜀人。工詩詞。爲人頗具豪氣。少好擊劍。及長。以爲不足學。遂專心於文史。聲名藉甚。性好遠游。已三涉峨嵋。窮其佳勝。以應京兆試入都。見集於都下諸名士。終日惟酒食游戲徵逐。故言高論。自負不可一世。及觀其所作。剽竊陳言。鉅釘雞學。直可投諸函廁。豈第覆瓿而已哉。以是杜門不交一客。雖在輭紅十丈。如處深山窮谷中。僦居西城外極樂寺。寺四周皆水。碧漪蕩漾。其清澈底。蓋高梁橋水。其源出自西山澗中。去此而入玉河。兩水夾一堤。堤上多種楊柳。細葉長絲。臨風飄拂。岸北數十里。

大抵皆招提蘭若。低昂疎簇。紺宇紅牆。與綠樹參差相間。境殊幽勝。其與僧寺毘連者。多富貴家別業。泉石花木之美。樓臺亭榭之麗。各擅其奇。生於讀書之暇。杖策出游。信足所至。每遇風和日暖。鳥語花香。拂石小坐。徘徊不忍去。見園扉有啓者。闐然竟入。尋花看竹。不問主人。園丁亦習見之。不以爲異也。寺相距里許。萬駟馬莊在焉。莊曰白石。以在白石橋北而得名。時值中秋。清光皎潔。懸照萬里。生愛於爽閣觀月。遂樓被往宿。一夕酒醒夢迴。月光射疎櫺。松柳竹柏之影。疎密縱橫。映於窗紙。殊有畫意。生頓觸所好。披衣啓戶而出。露立中庭。舉頭觀玩。忽聞隔院有婦女笑語聲。生心異焉。知莊左右並無居人。此聲何自而來。適牆角倚有一梯。日間園丁折花之所置也。生登梯以望。隔院遙見婦女五六人。並北地裝束。所操亦北音。兩婦年皆四十許。淡妝素服。丰韻幽嫺。餘俱女子。年均十六七。惟一最穉。僅十四五齡。並玉貌綺年。風流靡曼。顏池有巨石。一圓如几。四周皆石磴環池。悉碧玉闌干也。聞兩婦呼雛。掃石灘礮。薦以甌餅。須臾。雞陳杯盤七箸之屬。兩婦與諸女子圍圍環坐。一女子曰。今夕開筵玩月。不知誰爲東道主人。右首一婦曰。是乃六妹之雅意。余妯娌忝爲食客。豈

不愧死。左首一婦曰。今春譙賞牡丹。亦係六妹傾囊。本約釀錢作答。至今尙虛此諾。姻憶盛時。二日雨筵。曷勝惆悵。右首婦曰。李姊何爲話及時。使人鬱抑不歡。尙憶李建泰出師西征。我家特奉朝命。以太宰告廟。此時何等烜赫。曾幾何時。滄桑變易。抑何速耶。左首婦曰。當田妃死時。我等嘆爲無福。安知異日後田妃而死者。萬不及田妃哉。我家阿翁。年七十有餘。猶稱矍鑠。諸子皆官都督。諸孫亦並執戟明光。有位於朝列。一朝變起。同殉國難。由此觀之。高壽亦豈得爲福哉。右首婦曰。我家阿翁。位崇職重。已躋太傅之列。宗人府印璽爲其所掌。嘗以親臣侍隨經筵。每值文華進講。佩刀入直。此時何等寵榮。今日思之。恍同一夢。當李姊捐軀赴井時。儂亦思投於水。躍身清流。以隨厝天。不料後有抱持者。則侍婢小荷也。至今以爲恨。左首婦曰。聞阿妹歸家。越歲不食。旬日而死。此事更慘。試思絕粒之難。何如身問水濱之易乎。末座一女子。作嚶嚶泣聲。羣起勸止曰。六妹情傷矣。如有再提前事者。罰以十觥。言時酒肴亦至。羅列幾滿。旋聞酬酢巡環。互相勸飲。右首婦曰。當日賞牡丹詩。七妹爲原唱。六妹有和章。所吟佳句。尙憶得否。末座女子答曰。此詩早付之荒烟蔓草矣。惟壁間留

有雅流名句。尙記一二。如分香妝閣照。擇圃几瓶栽。樹轉簾前影。花愁暗處春。頗覺其工穩耳。東座一女子曰。昨繞柳溪而過。偶經松軒。見軒中有一俗客。在箕踞獨坐。手持長青歌詩。吟唔不輟。妹聆其句。訛字舛。不覺失笑。渠驟聞人聲。昂首四顧。妹匿身山石後。竟不之見。俄而吟聲又縱。妹戲剪一紙蜈蚣。自承塵墮下。渠遂倉皇遁去。日長無事。消遣此荒齋。以解閒悶。亦殊快意。生聞之。憶得昨日事。不禁失聲驚詫。座中一女子狂呼曰。牆頭有賊。旁有侍兒曰。恐是騎牆狀元。否則張琪來窺雙文也。生知不能隱。急躍步下梯。闔扉遽寢。翌晨隨所見而跡之。石几之側。果核狼藉。燭淚酒痕。髣髴猶在。生每至夜間。必梯垣往窺。顧數夕杳然。殊無影響。生遂遷宿于前堂。堂三楹。軒敞異常。當海棠花時。朱絲竟丈。搖曳於松槐之間。松虬槐老。勢並突出。林表後堂之北。松樹五株。老幹紛披。天矯偃蹇。狀若攫擎。由曲徑而登。則爲土山。其南乃鬱岡亭也。俯瞰荷池。有如圓月。兩旁楊柳扶疎。陰翳蔽虧。一日生盤旋而上。則亭中已有人在。視之。卽前夕東座女子也。見生嫣然一笑。方側身欲避去。而生已至前。向女長揖。笑問前日作蜈蚣之戲者。非卿也耶。幾累人嚇殺。女曰。男兒膽大如鼯鼠。一何可

咽亭中。樂凡湘簾。筆床硯匣。位置楚楚。東西列櫺二。標映綈函。殆盈插架。生曰。此間奚來書籍。女曰。是處本爲儂誦讀之所。書籍筆硯。儂自攜來。初不虞君之涉我地也。生偶翻案頭卷帙。有一冊題其籤曰。長夜愁音。閱之。皆紀明季宮闈遺事。其下署名則萬瑞珠蘭芬。生知爲女名。若字。玩其所書簪花妙格。娟秀異常。因謂女曰。夜來所言。我已盡聞。卿爲萬家第七女公子。其行六者。當是卿姊。不識爲同母所生否。女曰。儂父後房。凡三十六人。擅專房寵者。惟八人。儂母樊姬居長。六姊之母戚姬。位居其四。因生儂姊妹二人。在八人中尤雙。生問兩姊是卿何人。女曰。左首者爲伯兄長祚妻。右首者爲仲兄宏祚妻。皆娶自京師大家。伯仲二兄咸庶出。我父最所屬愛。生曰。卿嫡母爲瑞安公主。卿名何得。以瑞稱。女曰。儂名本爲蕊珠。六姊名爲蕊英。字蕙芬。後余姊妹爲嫡母所撫育。賜以今名。欲久而勿忘也。生曰。卿姊妹亦於國破時殉難否。曰。非也。並以弱病早夭。葬於西山祖塋。今墓碣猶存。女應答之間。語柔詞媚。吹氣芬馥。出自齒際。生細視女冰雪爲肌。瓊瑤作骨。兩頰薄暈。如泛朝霞。真神仙不啻也。不覺意爲之奪。雙睛專注。遙刻不瞬。女笑曰。目灼灼抑何賊態未改。昨夜驚頭。今朝亭角。

其將爲非禮越分之舉耶。生驟聆此言。疑女意已許之。遽爾屈膝下跪曰。願諧百年偕老之歡娛。而結千載有情之眷屬。永成伉儷。無間幽明。女益笑不可仰。手拍闌干曰。請起而言。勿惡作劇。此君自向床頭人演習長技。施之於儂。殊覺英雄氣短矣。世間所傳幽歡冥會之事。盡出文人妝點。悉屬寓言。君乃信以爲真哉。卽如儂之形質。可聚可散。徒以精靈未泯。故尙遊戲人間。然不過宜於冷靜幽獨之境耳。其時則月白風清。其地則深山昧谷。寂寞無人。自行其道。安能再履塵土。在熱鬧場中作生活哉。君休矣。勿生此妄想。生恍然若有領悟曰。人與鬼既不可合。然則鬼與鬼亦有樂趣乎。女曰。既爲鬼矣。一切皆空。耳曰口鼻舌意既無。則聲色香味觸法。概無所著。惟以生前善惡業。墮死後苦樂趣。容或有之。所謂苦樂。皆由心生。刀山劍嶺。饑坑血湖。不過爲下等人說法。非真有之。大聖大賢。極奸巨惡。可以常存。神靈仙佛。精氣不消。時至則滅。或久或暫。總視其功行何如耳。其餘衆生。旋生旋死。忽有忽無。羣入於覺海之中。爲一氣之所鼓盪而已。生曰。妙哉此論。聞所未聞。向女膜拜。環繞三匝。再欲視女。女倏不見。亭中所有。一切皆杳。

田荔裳

田荔裳字補雲洛下名孝廉家擁厚貲田園廣斥喜蔣牡丹多異種魏紫姚黃不足多也春時常招友朋賞玩一夕宴罷宿蝶未來銀蟾猶皎花下微聞嘆息之聲衆咸駭異生妻織雲女史出自名族識字知書能持大體因爲生言與亡盛衰之微盈虛消長之理須先戒懼修省默引不祥生亦然之是秋中庭桂樹忽萎生妻感病旋殞生奉情神傷安仁抱痛在內閣中觸物生悲凄然不能成寐乃遷於外室屏人獨宿時當九月節逾重陽冷雨淒風益形寂寞挑燈夜坐哀思縈懷正欲拂衾展簾忽聞窗外有吟詠聲音細如女子心疑焉啓戶覘之隱約見一女郎高髻淡妝獨步迴廊往來蹀躞知雙扉已啓乃迎就生坐於燈下得視玉顏容華絕代天人不啻也不禁驚喜卻立女已入內向生檢衽作禮生亦答拜因詢風雨如此又逢深夜何閨開嬌姿不憚孤行遠涉耶女微笑不言生問姓字自言姓孫字韻史一號蓮僊距君家只數武而遙君自不識耳女卽坐生案頭翻弄書籍見生悼亡諸作曰抑何哀怨之纏綿也殊令人不忍卒讀然君夫人在地下甚歡樂恐不復念君矣生曰卿何以知之女初不答固詰之乃言今地府

有女才子之選君夫人名列第一本備內宮教讀及見君夫人容爲諸才女冠九王子悅之將選爲正妃不日成禮生聞之不勝嗚咽繼謂女曰與吾妻爲伉儷雖僅三年然深知其性情素潔懷貞死而有知必不肯再嫁也卿既知之乞爲我一探確耗自當圖報女諾之期以明夕於時窗外雨聲淅瀝益擾愁心生戲謂女曰今夕君不可歸矣盍留宿此女曰生平不惜與人同榻必欲余留請君處下牀余居上牀生曰可遂分衾褥各半獨缺一枕女見几上有粵東攜來之磁枕曰此亦可用生睡膝牀頗覺安適聞女輾轉反側久而不眠問之曰膽怯也生曳履下牀徑就女曰我來伴卿何如微近女側覺吹氣如蘭異常馥郁繼以手探其衾則密裏周身無隙可入生強曳焉女急以雙手持之生偶觸玉臂滑膩如脂不禁心爲大動既諸繾綣翌晨遂留不去生卽出妻平日所用粉匳脂盞供女晨妝朝起視之淡掃蛾眉愈形斌嫵生睡愛甚深幾於跬步勿離女留匝月生覺精神倍爽衣袂間芬芳襲人因疑女爲神仙中人如黃姑織女之儔降凡間也因戒家人毋得妄傳於人有詢女之來由者託言迎自西城謝家將以爲續娶地也友朋中有以執柯進言者悉婉却之適年懷妊女卽

不食朝夕所飲。惟蔗漿杏酪而已。身亦倍重於往日。及產舉一肉毬。片片若花房之含苞。折而觀之。中一男也。啼聲甚雄。闔家相慶。彌月設湯餅筵。賀者盈庭。羣請女出見。女盛妝立屏角。向衆盈盈下拜。丰神絕代。儀態萬方。見者皆驚。以爲人世無此麗姝也。不識生之獲此。幾生修到。於是外間衆議沸騰。猜疑日至。一日女欲歸寧省父母。因請於生。遣臧獲備舟車。生曰。卿前言家在鄰近。今何兩歧耶。女曰。前日寄居戚串處。故云然。今將歸吾故里。一水迢遙。非舟莫渡。伊川之東。衡廬在焉。君何不同往耶。女去三月始返。攜一妹至。字韻秋。號蓉仙。年僅十四五。清臚倩盼。姿態娉婷。與生初覲面。紅暈於頰。問答之間。不能措一詞。生見其嬰伊可憐。亦不復盡其語。欲以西院處之。使婢紅子相伴。速晚。蓉仙不肯往居。必欲與姊同宿。百方慰遣。卒不從。每夕姊妹同牀而眠。生反被擯于外。一夕生歸頗晚。醺然有醉意。倒臥女牀。搖之不動。不得已夾生而睡。生夜半酒醒。暗中摸索。不辨何人。但覺豐若有餘。柔如無骨。一縷清香直參鼻觀。帳隙略露微光。逼視之。則其妹蓉仙也。含眸斂息。香夢方酣。生不忍驚。擁之於懷。天明蓉仙始覺。推生而起。泣謂姊曰。妹今日必歸矣。豈能堪此強暴耶。生力自

剖白曰。但親香澤。未涉於亂。卿乃慧心人。豈猶不自知耶。蓉仙俯首拈帶。細思昨夕情事。乃不復言。由是蓉仙分宿外房。仍令紅子作伴。睡於別榻。與姊繡闥。僅隔一牆。見生並無所避。時依肘下。執卷問難。奇字疑義。反覆辨析。生不能屈。嘆曰。此辯慧女子也。他日青紗步障。可爲小郎解圍。一日生爲前室三周年。延高僧作佛事。鐃鼓鐘磬。喧聒一堂。又於別寺誦皇梁懺四十九日。生迴憶前塵。泫然流涕。因謂女曰。前日托卿所探事。何以至今無一言。豈爾時故作譏語耶。女曰。所以不言者。恐傷君心耳。當日君夫人爲九王子所見愛。已遣鳩媒通雁幣。方使入門。徑前致詞。君夫人怒擲聘物於地曰。宮中教讀之任。所不敢辭。若以非禮相干。雖死非所聞命。且凡間燕雀。豈能匹天上鸞鳳。如不獲已。饒坑血湖。刀山劍嶺。皆我畢命所也。一任處置。何足懼哉。九王子聞言怒甚。令裸體置之寒冰獄中。曰。適足煉我玉骨耳。復令投之洪鑪。曰。鐵心石腸。歷劫難銷。九王子見其不屈。氣爲之奪。然猶未肯遽止也。旋爲閻摩主者所知。嘉君夫人守節弗渝。戒九王子弗讎。令往生金闕。爲富室女來生。與君仍結夫婦緣。今入世已三年。君今可轉悲爲喜矣。生問在金閭何處。曰。緣聖當自知。記取十三年

後有五羊使者來。此其時矣。生因謹誌於冊。正言際。聞人入稟。有自南海至者。與從姪赫。狀似顯宦。言必欲面見主人。生視其名刺。初不相識。姑出與談。則其人殊魁梧俊偉。談吐生風。自言新卸增城縣任。茲將入都引見。余咸孫笠舫。饒尹。現亦需次粵垣。與君有葭莩親。有書達其女韻史。余爲作寄書郵。袖中出一函致生。匆促遽別。生持函入內。與女觀之內言。阿秋年已長成。當爲擇配。如意中無可選之人。卽歸田生。效娥英故事。亦無不可。青鳥使來。卽汝從姊之壻。不妨出見也。女商之。生初伴爲不可笑。曰。恐醋娘子想吃楊梅。將從何處覓倉庚。羹耶。女曰。檀奴抑何狡獪哉。欲取姑舍。欲擒姑縱。已如見其肺腑。儂無妒意。何煩療哉。越一年。蓉仙年已十七。元宵賞燈後。卽令誡吉完婚。一時禮儀之盛。器物之華。服飾之麗。遠近來觀者。無不嘖嘖歎美。賓客踰濟。冠裳畢集。向時納女。遠不能及。人皆稱女之賢。生擬赴春闈。公車北上。二女羣勸止之。曰。君今日左對尹邢。右擁施旦。室藏佳醞。園有名花。每值良辰美景。月夕花朝。置酒並酌。怡然共樂。君倡於前。妾和於後。詎非天壤間一大快事哉。恐圓苑神仙。亦無此樂趣也。何必子役道途。再作春明之夢。卽使入詞林。登玉堂。亦不過世上

浮榮耳。何足爲重輕。如君必欲行。真身有俗骨哉。况儂姊妹侍君衽席。要亦短緣撮合耳。他時恐悔之晚矣。生乃止。一日庭中牡丹大放花朶。皆巨如盆盎。色色嬌香。絢爛奪目。生方與二女舉觴酬勸。忽報前時增城縣令復來。生卽出見。自言已爲廣州太守。茲已超擢道員。因督都門迂道過此耳。翌日生設盛筵。招之同賞牡丹。客贊譽不絕口。而盛稱一黃一紫。爲羣花之冠。屢乞異種。將攜之歸。生難固拒。不得已分植於盆贈焉。自以爲拱璧之貽。不是過也。不意客去後。入視二女。同時抱病。月慘花羞。容光憔悴。呻吟之聲。不絕於耳。欄前花萎。闔內人亡。生哀痛欲絕。盡以金玉珠寶爲殉。及葬。舉其槨。輕若無物。生自此不欲居家。出游江浙。聊解愁懷。偶經金閶城畔。小住。寓齋同人。邀往留園。泛舟偕去。畫船櫓比。士女如雲。生特賞識沈金蘭。以爲可獨步蘇臺。於園中見一女子。舉止態度。髻髯似織雲。不禁注目視之。女回顧見生。恍若似曾相識。訝其久謁。轉眸一笑。珊瑚行遠。託人訪之。知係巨室。浼媒聘焉。卜宅於吳門。偶與語。織雲舊事。女不能對。

畫船紀艷

錢江畫舫。夙著豔名。自杭州之江干。溯流而上。若義橋。若